



Groupe parlementaire

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 6. September 2022

Här President,

esou wéi d'Chambersreglement et virgesäit, bieden ech Iech, dës parlamentaresch Fro un den Här Staats- a Kultusminister souwéi den Här Bausseminister weiderzeleeden.

Am Kader vun de Manifestatioune fir méi Demokratie an Autonomie kënn et an der chineesescher Sonderverwaltungszon Hong Kong säit Joren ëmmer rëm zu reng politesch motivéierte Festnamen. Den 11. Mee dunn hunn dës staatlech Repressiounen den emeritéierten, 90 Joer ale Kardinal Joseph Zen Ze-Kiun getraff, deen 2019 um Ufank vun enger Manifestatioun un enger extra dozou entsprecherender Andacht deelgeholl huet an deem bei senger Verhaftung notament duerch säin Engagement fir den "612 Humanitarian Relief Fund" Kollaboratioun mat auslännesche Staate virgeworf gouf. Aktuell waart hien op säi Prozess, deen den 19. September ufänke soll, a krut no Informatiounen déi sech net onofhängeg confirméiere loossen, seng Pabeieren ofgeholl.

An deem Zesammenhang wéilt ech der Regierung dës Froe stellen:

- 1) Kann d'Regierung hir allgemeng Positioun zum Fall vum Här Kardinal Zen elaboréieren? Huet si schonn zu Gonschte vum Här Kardinal Zen intervenéiert? Wann net, wéll si dat maachen?
- 2) Trëtt d'Regierung géintwuer der chineesescher Regierung fir en Enn vun der politescher Verfolgung vu Geeschtlechen a fir Reliounsfräiheet an?
- 3) Kéint d'Regierung sech ënnert der Viraussetzung, datt säin héijen Alter déi entsprecherend Rees zouléisst, virstellen, dem Här Kardinal Zen zu Lëtzebuerg Asyl unzebidden?

Mat déiwem Respekt,

Fernand Kartheiser
Deputéierten